



রাষ্ট্রপতিরসচিবালয়

# হনবিল উৎসব এবং নাগাল্যান্ড রাজ্য গঠন দিবস উদযাপন অনুষ্ঠানের উদ্বোধন করলেন রাষ্ট্রপতি

Posted On: 04 DEC 2017 11:43AM by PIB Kolkata

রাষ্ট্রপতি শ্রী রামনাথ কোবিন্দ নাগাল্যান্ড-এর কিসামায় গুফ্রাবর (১ ডিসেম্বর ২০১৭) হনবিল উৎসব ও নাগাল্যান্ড রাজ্য গঠন দিবস উদযাপন অনুষ্ঠানের উদ্বোধন করলেন।

অনুষ্ঠানে ভাষণ দিতে গিয়ে রাষ্ট্রপতি বলেন, যুগের পর যুগ ধরে সঙ্গীত, নৃত্য ও খাবারের মধ্য দিয়ে সংরক্ষিত সমৃদ্ধ নাগা সংস্কৃতি ও ঐতিহ্যের যথাযথ প্রদর্শনী হচ্ছে এই হনবিল উৎসব। কিসামায় হনবিল উৎসব এবং আন্তর্জাতিক সঙ্গীত উৎসব নাগা সমাজের বৈচিত্র্যকেই চিত্রিত করে।

রাষ্ট্রপতি বলেন, গত অর্ধ শতাব্দী নাগাল্যান্ডের জন্য একাধারে সাফল্য ও সমস্যার সময় ছিল। রাজ্যের মানুষ অনেক পরীক্ষার মধ্য দিয়ে এসেছেন, কিন্তু তাদের অত্যাবশ্যক প্রতিভা ও প্রজ্ঞা, তাদের আবশ্যিক উৎকর্ষতা স্পষ্টরূপে প্রতিফলিত হয়ে উঠেছে। আজ নাগাল্যান্ড ইতিহাস রচনার দ্বার প্রাপ্ত এসে দাঁড়িয়েছে। স্বাধীনতা সঙ্গীতের সময়ের এত বছরের পর এখন আশার আলো দেখা দিয়েছে। রাজ্যের মানুষের, নাগরিক সমাজ প্রতিষ্ঠানগুলোর এবং সংশ্লিষ্ট সবার সহযোগিতায় দীর্ঘস্থায়ী শান্তির সুযোগ রয়েছে। তিনি প্রত্যয় ব্যক্ত করেন যে, সবার জন্য সৃষ্টি ও সবার আকাঙ্ক্ষা পূরণের মতো একটি চূড়ান্ত চুক্তি খুব শীঘ্রই হবে।

রাষ্ট্রপতি বলেন, নাগাল্যান্ডের যুবসমাজ দেশের গর্ব। তারা ডক্টর টি. আও-এর সফল উত্তরাধিকারী। যে ডাক্তার-খেলোয়াড় ছিলেন স্বাধীনতার পরে আমাদের প্রথম জাতীয় ফুটবল দলের অধিনায়ক এবং তিনি ১৯৪৮ সালের লন্ডন অলিম্পিকসে ভারতীয় দলের নেতৃত্ব দিয়েছিলেন। ভারতের বাকি অংশের কাছে নাগাল্যান্ডের যুবসমাজ প্রেরণা স্বরূপ। রাজ্যের স্বনামখ্যাত মেয়ে তেমসুতুলা ইমসং বারানসীতে গঙ্গানদীর ঘাট পরিষ্করণ করার উল্লেখযোগ্য কাজ করে দেশের মানুষের হৃদয় জয় করেছেন। আরেকমেয়ে চিয়েওয়েলু থেলে দিম্বি পুলিশে তার ব্যাচের পুলিশ অফিসারদের মধ্যে সেরা প্রশিক্ষণার্থী কমান্ডো বিবেচিত হয়েছেন। দেশের সশস্ত্র বাহিনীর সর্বাধিনায়ক হিসেবে রাষ্ট্রপতি বলেন, তিনি আমাদের নাগা সেনা জওয়ান ও আধিকারিকদের জন্য অত্যন্ত গর্বিত।

রাষ্ট্রপতি বলেন, নাগাল্যান্ডের অনেক কিছুই দেওয়ার রয়েছে। রাজ্যের শক্তি নিহিত রয়েছে এর জৈব ফসল, ফুল ও ফলের উৎপাদনের মধ্যে। নাগাল্যান্ডে রয়েছে দুস্প্রাপ্য সবুজগাছপালা, যা কর্মসংস্থান তৈরিতে এবং অর্থনীতিকে এগিয়ে নিয়ে যেতে সহায়তা করতে পারে। তিনি তাঁর ভাষণে বিশ্বের সবচেয়ে ঝাল মরিচ, যাকে স্থানীয়ভাবে মরিচের রাজা বলা হয়, সেই জলোকিয়া মরিচের উল্লেখ করে বলেন, একে বোতলজাত করে বিশ্বের সবচেয়ে ঝাল আচার আমাদের তৈরি করতে হবে। তিনি উল্লেখ করেন যে, একটি আকর্ষণীয় পর্যটন গন্তব্য হওয়ার সম্ভাবনা নাগাল্যান্ডের রয়েছে। কেননা এখানে ঐতিহ্য ও সংস্কৃতির সঙ্গে নয়না ভিরাষ্ম প্রাকৃতিক সৌন্দর্যের এক অনন্য মিশ্রণ রয়েছে।

রাষ্ট্রপতি বলেন, আমাদের দেশ এখন এক দীর্ঘ পদযাত্রায় এগিয়ে যাচ্ছে এবং বিশ্বব্রহ্মত বর্ধমান অর্থনীতির মধ্যে একটি হয়ে উঠেছে। তাছাড়া আমরা এক বৈচিত্র্যপূর্ণ জাতি। আমাদের ভাষাগত, জাতিগত, ধর্মীয় ও ভৌগোলিক বিভিন্নতা ভারতকে এক বিশেষ দেশ হিসেবে চিহ্নিত করেছে এবং এটাই আমাদের সবচেয়ে বড় শক্তি। ভারতবাসী হিসেবে এখন এক রোমাঞ্চকর সময় এবং নাগা হিসেবেও এখন এক উদ্দীপক সময়। ভারতের কাহিনীর কেন্দ্রবিন্দুতে রয়েছে নাগাল্যান্ড এবং উত্তর-পূর্বাঞ্চল। নাগাল্যান্ডের উন্নয়ন ছাড়া ভারতের উন্নয়ন অসম্পূর্ণ থেকে যাবে।

(Release ID: 1511639) Visitor Counter : 4

